

四庫全書

史部

欽定四庫全書

欽定續通志卷五百五十七

文苑傳

宋一

宋白

聶崇義

邢昺

崔頌

曠

尹拙

田敏

辛文悅

梁周翰

胡旦

郭忠恕

朱昂

趙鄰幾

何承裕

鄭起

郭昱馬應

和峴

馮吉

宋白字太素

東都事畧作素臣

大名人善屬文豪俊尚氣節在

詞場名稱甚著建隆二年實儀典貢部擢進士甲科乾

德初獻文百軸試拔萃高等授著作佐郎蜀平授玉津

縣令開寶中間丕王洞交薦其才宜預朝列白以親老

祈外任連知蒲城衛南二縣太宗潛藩時白嘗贊文有

襲衣之賜及即位擢為左拾遺權知兗州歲餘召還泰

山有唐玄宗刻銘白摹本以獻且述承平東人望幸之

意預修太祖實錄俄直史館判吏部南曹從征太原判
行在御史臺劉繼元降翌日奏平晉頌太宗夜召至行
宮褒慰且曰俟還京師當以璽書授職尋拜中書舍人
太平興國五年與程羽同知貢舉俄充史館修撰判館
事八年復典貢部改集賢殿直學士判院事未幾召入
翰林為學士雍熙中召白與李昉集諸文士纂文苑英
華一千卷端拱初加禮部侍郎又知貢舉白凡三掌貢
士頗致譏議然所得士如蘇易簡王禹偁胡宿李宗諤

輩皆其人也。是時命復舊制，專委有司。白所取二十八人罷退，既衆，羣議囂然。太宗遽召已黜者臨軒，復試連放馬國祥、葉齊等八百餘人。馬白嘗過何承矩家，飲宴有進士趙慶者，素無行檢，游承矩之門，因潛出拜白求為薦名。及掌貢部，慶遂獲薦。人多指以為辭，又女弟適王沔，淳化二年沔罷參知政事，時寇準方詆訐求進，故沔被出，復言白家用黃金器，蓋舉人所賂。其實白嘗奉詔撰錢惟濬碑，得塗金器，爾張去華者，白同年生也，坐

尼安道事貶白素與厚善遂出為保大軍節度行軍司馬踰年抗疏自陳有來日苦少去日苦多之語太宗憫之召還為衛尉卿俄復拜禮部侍郎修國史至道初為翰林學士承旨二年遷戶部侍郎俄兼祕書監真宗即位改吏部侍郎判昭文館先是白獻擬陸贄膀子集帝察其意欲求任用遂命知開封府以試之既而白倦於聽斷求罷任咸平四年拜禮部尚書白學問博洽為文敏瞻然意放蕩少法度故在內署久頗厭番直草辭疎

畧多不愜旨景德二年罷拜刑部尚書集賢院學士判
院事舊三館學士止五日內殿起居會錢易上言悉令
赴外朝白羸老就班足跌未幾抗表引年帝眷舊臣未
允再表辭乃以兵部尚書致仕時白繼母尚無恙帝東
封白肩輿辭於北苑進吏部尚書賜帛五十匹大中祥
符五年卒贈左僕射錄其孫懿孫為將作監主簿孝孫
試祕書省校書郎從子唐臣試正字白善談諠不拘小
節能贍親族卹幼孤聚書數萬卷圖書亦多奇古者嘗

畧多不愜旨景德二年罷拜刑部尚書集賢院學士判
院事舊三館學士止五日內殿起居會錢易上言悉令
赴外朝白羸老就班足跌未幾抗表引年帝眷舊臣未
允再表辭乃以兵部尚書致仕時白繼母尚無恙帝東
封白肩輿辭於北苑進吏部尚書賜帛五十匹大中祥
符五年卒贈左僕射錄其孫懿孫為將作監主簿孝孫
試祕書省校書郎從子唐臣試正字白善談諠不拘小
節能贍親族卹幼孤聚書數萬卷圖書亦多奇古者嘗

意預修太祖實錄俄直史館判吏部南曹從征太原判
行在御史臺劉繼元降翌日奏平晉頌太宗夜召至行
宮褒慰且曰俟還京師當以璽書授職尋拜中書舍人
太平興國五年與程羽同知貢舉俄充史館修撰判館
事八年復典貢部改集賢殿直學士判院事未幾召入
翰林為學士雍熙中召白與李昉集諸文士纂文苑英
華一千卷端拱初加禮部侍郎又知貢舉白凡三掌貢
士頗致譏議然所得士如蘇易簡王禹偁胡宿李宗諤

尼安道事貶白素與厚善遂出為保大軍節度行軍司馬踰年抗疏自陳有來日苦少去日苦多之語太宗憫之召還為衛尉卿俄復拜禮部侍郎修國史至道初為翰林學士承旨二年遷戶部侍郎俄兼祕書監真宗即位改吏部侍郎判昭文館先是白獻擬陸贄謗子集帝察其意欲求任用遂命知開封府以試之既而白倦於聽斷求罷任咸平四年拜禮部尚書白學問博洽為文敏瞻然意放蕩少法度故在內署久頗厭番直草辭疎

類故事千餘門號建章集唐賢編集遺落者白多綴綴
之好獎許後進胡旦田錫皆出其門下陳彭年舉進士
輕俊喜嘲謗白惡其為人黜落之彭年憾焉後居近侍
為貢舉條制多所闕防蓋為白設也會有司諡白為文
憲內出密奏言白素無檢操遂改文安有集百卷子憲
臣得臣良臣忠臣

聶崇義河南洛陽人少舉三禮漢乾祐中累官國子禮
記博士校定公羊春秋刊於國學周顯德中累遷國子

兼太常博士先是世宗以郊廟祭器止由有司相承製造年代寢久無所規式命崇義檢討摹畫以聞四年上之乃命有司別造焉五年將禘於太廟言事者以宗廟無祧室不當行禘祫禮崇義援引魏晉以來故事上言其略曰魏明帝以景初三年正月上僊至五年二月祫祭明年又禘自茲後以五年為禘且魏以武帝為太祖至明帝始三帝未有毀主而行禘祫其證一也宋文帝元嘉六年祠部定十月三日大祠其太廟博士議云案

禘祫之禮三年一五年再宋高祖至文帝裁亦三帝未
有毀主而行禘祫其證二也梁武帝用謝廣議三年一
禘五年一祫謂之大祭禘祭以夏祫祭以冬且梁武乃
受命之君裁追尊四朝而行禘祫則知祭者是追養之
道以時移節變孝子感而思親故薦以首時祭以仲月
間以禘祫序以昭穆乃禮之經非闕宗廟備與未備其
證三也世宗從其議又詔參定郊廟器玉崇義因取三
禮圖再加考正太祖建隆三年表上之帝下詔褒諭乃

命太子詹事尹拙集儒學三五人更同參議拙多所駁
正崇義復引經釋之悉下工部尚書實儀裁定儀奏尹
拙駁議及聶崇義答義各四卷臣再加詳閱隨而裁置
率用增損列於注釋共分為十五卷以聞詔頒行之未
幾卒三禮圖遂行於世并畫於國子監講堂之壁崇義
為學官兼掌禮僅二十年世推其該博云

邢昺字叔明曹州濟陰人太平興國初舉五經廷試日
召升殿講師比二卦問以羣經發題太宗嘉其精博擢

九經及第授大理評事知泰州鹽城監曷以是監處楚
秦間秦僻左而楚會要鹽食為急請改隸楚州從之召
為國子監丞專講學之任遷尚書博士出知儀州就轉
國子博士代還選為諸王府侍講累遷國子祭酒咸平
二年始置翰林侍講學士以曷為之受詔與杜鎬等校
定周禮儀禮公羊穀梁春秋傳孝經論語爾雅義疏及
成並加階勲俄為淮南兩浙巡撫使還時初置講讀之
職即於便坐令曷講左氏春秋五年講畢賜宴遷工部

侍郎兼國子祭酒學士如故代陳恕權知審官院帝方
興起道術又令曷與張雍杜鎬孫奭舉經術該博德行
端良者以廣學員景德三年加刑部侍郎曷居近職常
多召對四年以羸老艱步自陳曹州故鄉願給假一年
歸視田里俟明年郊祀還朝帝命坐慰勞之因謂曰便
可權本州何須假耶即起拜工部尚書知曹州職如故
入辭日特開龍圖閣召近臣宴崇和殿帝作五七言詩
二首賜之預宴者皆賦曷視壁間尚書禮記圖指中庸

篇曰凡為天下國家有九經因陳其大義帝嘉納之及
行又令近臣祖送設會於宜春苑大中祥符初帝東封
泰山曷表曹州民請車駕經由本州仍令濟陰令王範
部送父老詣闕優詔答之俄召還車駕進發命判留司
御史臺禮畢進位禮部尚書帝勤政憫農每雨雪不時
憂形於色以曷素習田事多訪之初田家察陰晴豐凶
皆有狀候老農之相傳者率有驗曷多採其說為對又
言民之災患大者有四一曰疫二曰旱三曰水四曰牛

瘴歲必有其一但或輕或重耳四事之害旱暵為甚真宗然之三年被病請告帝親臨問疾賜名藥一奩白金器千兩繒絲千匹故事非宗戚將相無省疾臨喪之禮特有加於曷與郭贄者以恩舊故也未幾召其子太常博士知東明縣仲寶國子博士知信陽軍若思還侍疾卒贈左僕射三子並進秩初雍熙中曷撰禮選二十卷獻之太宗探其帙得文王世子篇觀之甚悅因問衛紹欽曰曷為諸王講說曾及此乎紹欽曰諸王常時訪曷

經義曷每至發明君臣父子之道必重複陳之太宗益
喜常作禮選贊賜之曷在東宮及侍帝講孝經禮記論
語書易詩左氏傳據傳疏敷引之外多引時事為喻帝
嘗問管仲召忽皆事公子糾小白之入召忽死之管仲
乃歸齊相桓公豈非召忽以忠死而管仲不能固其節
為臣之道當若是耶又鄭注禮記世子篇云文王以勤
憂損壽武王以安樂延年朕以為經旨必不然也且夏
禹焦勞有玄圭之賜而享國永年若文王能憂人之憂

不自暇逸縱無感應宜至虧損壽命耶曷各隨其事理以對先是咸平中王欽若知貢舉有告其受舉人賄賂者下御史臺鞠得狀欽若自訴詔曷與邊肅毋賓古閭承翰就太常寺覆推曷力辨欽若而洪湛抵罪欽若以是德之曷之厚被寵顧欽若與有功焉仲寶後至祠部郎中坐贓黜官若思終於駕部郎中

崔頌字敦美河南偃師人父協後唐門下侍郎平章事頌以蔭補河南府巡官歷開封主簿鄧州錄事參軍以

疾去官未幾詣闕上書宰相桑維翰奇之擢為左拾遺
遷右補闕漢初加朝散階副右散騎常侍張煦冊錢俶
為吳越王周世宗鎮澶淵擇僚佐頌與王朴王敏中皆
中其選以頌為觀察判官世宗尹京拜司封員外郎充
判官以斷獄誤失罷職守本官即位拜駕部郎中遷吏
部復副尹日就使兩浙世宗讀唐元稹均田疏命寫為
圖賜近臣遣使均諸道租賦頌使兗州頗增舊額恭帝
嗣位改左諫議大夫宋初判國子監建隆三年始會生

徒講說太祖每臨幸國學召頌與語因及經義頌應答無滯及郊祀以頌攝太僕升車執綏帝問以一時典禮頌占對閒雅帝甚重之坐為所親求便官出為保大軍行軍司馬乾德六年卒頌善筆札受命書世宗諡冊文當時稱其道麗子曉至太子右贊善大夫瞻字文炳雍熙二年進士淹雅有士行為屯田員外郎開封三司戶部判官景德中以純謹代戚維為曹國公元儼府翊善遷都官員外郎充記室參軍進兵部郎中出知河中府

轉太常少卿將作監卒

尹拙潁州汝陰人梁貞明五年舉三史調補下邑主簿攝本鎮館驛巡官仕後唐至檢校虞部郎中忠武軍掌書記晉天福時詔與張昭等同修唐史累遷左司員外郎漢初為司馬郎中弘文館直學士周顯德初拜檢校右散騎常侍國子祭酒通判太常禮院事與張昭同修唐應順清泰及周祖實錄又與昭及田敏同詳定經典釋文宋初改檢校工部尚書太子詹事判太府寺遷祕

書監判大理寺乾德六年告老以本官致仕拙性純謹
博通經史周世宗北征命翰林學士為文祭白馬祠學
士不知所出遂訪於拙拙歷舉郡國祠白馬者以十數
當時服其該博開寶四年卒子季通

田敏淄州鄒平人少通春秋學梁貞明中登科為國子
四門博士後唐天成初改尚書博士滿歲為國子博士
上言請四郊置齋宮不報轉屯田員外郎以詳明典禮
兼太常博士建議請依春秋每歲歲冰薦宗廟頒公卿

詔與太常卿劉岳等刪定唐鄭餘慶書儀又詔與馬鎬
等同校九經改戶部員外郎清泰初遷國子司業晉天
福四年授祭酒仍檢校工部尚書俄兼戶部侍郎開運
初遷兵部充弘文館學士判館事議者以敏止可任學
官宰相桑維翰聞之即改授檢校右僕射復為祭酒漢
乾祐中拜尚書右丞判國子監周廣順初改左丞使契
丹周祖將親郊命權判太常卿事世宗即位真拜太常
卿檢校左僕射加司空顯德五年請老不允遷工部尚

書再上表願歸故鄉改太子少保致仕恭帝即位加少
傅開寶四年卒敏解官歸鄉體強少疾徒步往來閭巷
間每日親授諸子經嘗使湖南路出荆渚以印本經書
遺高從誨從誨謝曰祭酒所遺經書僕但能識孝經耳
敏曰讀書不在多十八章足矣如諸侯章云在上不驕
高而不危制節謹度滿而不溢皆至要之言也時從誨
兵敗於郢故敏以此諷之從誨大慚子章至殿中丞
辛文悅不知何許人以五經教授太祖幼時從其肄業

周顯德中太祖歷禁衛為殿前都點檢節制方面文悅
久不獲見忽一日夢邀車駕請見既拜乃太祖也太祖
亦夢其來謁因令左右尋訪文悅果自至太祖異之及
登位召見授太子中允判太府事開寶三年出知房州
時周鄭王出居是州帝以文悅長者故命焉文悅後累
遷至員外郎

梁周翰字元褒鄭州管城人父彥溫官馬步軍都校周
翰幼好學十歲能屬詞周廣順二年舉進士授虞城主

簿辭疾不赴宰相范質王溥以其聞人不當佐外邑改
開封府戶曹參軍宋初質溥仍為相引為祕書郎直史
館時左拾遺知制誥高錫上封議武成王廟配享七十
二賢內王僧辯不令終恐非全德尋詔吏部尚書張昭
工部尚書竇儀與錫重定功業終始無瑕者方得預焉
周翰言自樂毅以降苟欲指瑕誰當無累一旦擯出祠
庭臣竊惑焉謂宜罷新議仍舊典為便不報乾德中獻
擬制二十篇擢為右拾遺會修大內上五鳳樓賦人多

傳誦之五代以來文體卑弱周翰與高錫柳開范杲尚
淳古相友善時有高梁柳范之稱初太祖常識彥溫於
軍中石守信亦與彥溫舊故一日太祖語守信將用周
翰掌誥守信微露其言周翰遽上表謝太祖怒遂寢其
命歷通判縣眉二州坐杖人至死奪其官起授太子左
贊善大夫開寶三年遷右拾遺監綾錦院改左補闕兼
知大理正事會將郊祀因上疏曰陛下再郊上帝必覃
赦宥方今賦稅所入至多加以科變之物名品非一調

發供輸不無重困且西蜀淮南荆潭廣桂之地皆已為
王土陛下誠能以三方所得之利減諸道租賦之入則
庶乎均德澤而寬民力矣俄坐杖錦工過差為其所訴
太祖責之曰爾豈不知人之膚血與已無異何乃遽為
酷罰將杖之周翰自言臣負天下才名不當如是太祖
乃解左遷左司農寺丞逾年為太子中允太平興國中
知蘇州周翰善音律喜誦博惟以飲戲為務郡事不治
以本官分司西京踰月授左贊善大夫仍分司俄除楚

州團練副使雍熙中宰相李昉以其名聞召為右補闕
賜緋魚使江淮提點茶鹽周翰以辭學為流輩所許頻
歷外任不樂吏事會翰林學士宋白等列奏其有史才
遂命兼史館修撰會太宗親試貢士周翰為考官而賜
金紫因語宰相稱其有文尋遷起居舍人淳化五年張
佖建議復置左右史之職乃命周翰與李宗諤分領之
周翰兼起居郎因上言自今崇德長春殿皇帝宣諭之
言侍臣論列之事望依舊中書修為時政記其樞密院

事涉機密亦令本院編纂每至月終送史館自餘百司
凡於對拜除改沿革制置之事悉修報本院以備編錄
仍令郎與舍人分直崇政殿以記言動別為起居注每
月先進御後降付史館從之起居注進御自周翰等始
也會考課京朝官有敢隱前犯者皆除名為民周翰被
譴尤多所上有司偶遺一事當免判館楊徽之率三館
學士詣相府以為周翰非故有規避其實所犯頻繁不
能悉記於是止罰金先是趙安易建議於西川鑄大鐵

錢以一當十周翰上言古者貨幣錢三者兼用若錢少於貨幣即鑄大錢或當百或當五十蓋欲廣其錢而足用爾今不若使蜀民貿易者凡鐵錢一止作一錢用官中市物即以兩錢當一又西川患在少鹽請於益州置權院入物交易則公私通濟矣至道中遷工部郎中真宗先在儲官知其名徵之令取所為文章周翰悉纂以獻因答以書及即位未行慶首擢為駕部郎中知制誥俄判史館昭文館咸平三年召入翰林為學士受詔與

趙安易同修屬籍唐末喪亂籍譜罕存無所取則周翰
創意為之頗有倫貫車駕幸澶淵命判留司御史臺周
翰懇求扈從許之明年授給事中與宋白俱罷學士大
中祥符元年遷工部侍郎踰年卒帝憫之錄其子忠寶
為大理評事周翰性疎雋卞急臨事過於嚴暴故多曠
敗晚年才思稍減書詔多不稱旨有集五十卷及續因
話錄

胡旦字周父濱州渤海人少有雋才博學能文辭舉進

士第一為將作監丞通判昇州時江南初平汰李氏時
所度僧十減六七旦曰彼無田廬可歸將聚而為盜悉
默為兵遷左拾遺直史館數上書言時政利病出為淮
南東路轉運副使知海州踰年召歸先是廬多遜敗趙
普罷相其夏河決韓村尋復塞旦獻河平頌有逆遜姦
普之語太宗召宰相謂曰胡旦獻頌詞意悖戾朕自擢
於甲科歷試外任所至無善狀知海州日為部下所訟
獄已具適會大赦朕錄其才而捨其過尚令在近列又

領史職乃敢恣胸臆狂躁如此其亟逐之即敗殿中丞
商州團練副使上平燕議曰今幽州在北門之外東封
非國家所急願移其資以事北方且天時地利人事皆
可用兵歲之所臨其地受福今年春末至來年歲在宋
分從今年為備至來春興師北兵遇春夏則羶裘皮履
羊弓塞馬不為用而中原士卒素不能寒往北逢暄筋
力勇健成功立事在於此矣長淮以北太行以東河水
罷災土地甚沃因其豐實取其穀帛減價以折納見錢

以貴糴官府多積兵役無虞用兵豐財可濟大事太原
克復以來於今七載兵甲甚利士卒甚雄若以促裝之
賜發軍而用之恩賞之貲成功而賚之可以齊心平敵
恢拓舊境幽州平土而負敵為勢必擇四人分之方面
以剛斷勇毅者主之選和平恭慎者一人部之幽州之
北皆是山谷通人馬者不過十處領將士者亦擇十人
同行則共議兵機分出則各司軍事敵來則同戰以驅
逐敵歸則畫疆以扞蔽苟塞斷山路餘敵在燕與大軍

相持則遷延其時以度春夏敵不能熟有退無前使士之剛勇與才力者各為一將多則分部扞敵攻城兩盡其力定其軍名實其軍數我寡彼多則力不勝我實彼虛則勝有餘力均則較其地形地均則爭其謀畧分明勇怯各致其用以茶鹽香藥之價十分減二從新者先賣於邊城要路軍馬屯所以芻粟錢帛之價十分增二納貨出券者詣本場以交貨得貨者緣逐路以納稅出往來四方之饒為兩地費用之耗自然商得其利則買

之於人人得其資則勤之於穡故必民效無倍之力國
貯九年之積料撥不假於度支轉般何勞於漕挽如此
則勅敵不足平也起為左補闕復直史館遷修撰預修
國史以尚書戶部員外郎知制誥遷司封員外郎有脩
書人翟頴者旦嘗與之善因為改姓名馬周以為唐馬
周復出上書詆時政且自薦可為大臣又舉材任公輔
者十其辭頗壯故當時皆謂旦所為馬周坐流海島旦
亦貶坊州團練副使坐擅離所部謁宋白於鄜州被劾

特釋之徙絳州稍復工部員外郎直集賢院遷本曹郎
中知制誥史館修撰素善中官王繼恩為草制辭過美
繼恩敗貶安遠軍行軍司馬又削籍流尋州咸平初移
通州團練副使徙徐州後累除祠部郎中通判襄州服
母喪既除乃言父卒時嘗詔奪哀從事請追行服三年
已而失明以祕書省少監致仕再遷祕書監卒旦喜讀
書著漢春秋五代史畧將帥要畧演聖通論唐乘家傳
三百餘卷晚尤黷貨干擾州縣持吏短長為時論所薄

郭忠恕字恕先河南洛陽人七歲能誦書屬文舉童子及第尤工篆籀漢湘陰公召之辭去周廣順中召為宗正丞兼國子書學博士改周易博士太祖建隆初忠恕被酒與監察御史符昭文競於朝堂御史彈奏忠恕叱臺吏奪其奏毀之坐貶為乾州司戶參軍乘醉毆從事范滌擅離貶所削籍配隸靈武其後流落不復求仕進多游岐雍京洛間有佳山水即淹留浹旬不能去或踰月不食盛暑暴露日中體不沾汗窮冬鑿河冰而浴其

旁凌澌稍釋人皆異之尤喜畫所圖屋室重複之狀頗極精妙多游王侯公卿家或待以美醞預張紈素倚於壁乘興即畫之苟意不欲而固請之必怒而去太宗即位聞其名召赴闕授國子監主簿令刊定歷代字書忠恕性無檢局帝憐其才每優容之益使酒肆言時擅鬻官物取其直詔減死決杖流登州太平興國二年已行至齊州臨邑謂部送吏曰我今逝矣因掘地為穴度可容其面俯窺焉而卒橐葬道側後數月故人將改葬之

舉其體甚輕若蟬蛻焉所定古今尚書并釋文並行於世

朱昂字舉之其先京兆人父孫光寓潭州遂家於衡山昂少篤學有朱遵度者時謂為朱萬卷目昂曰小萬卷嘗游廬陵有術者謂昂曰中原當有真主矣子仕至四品遂北遊江淮時周世宗南征韓令坤統兵至揚州昂謁見陳治亂方畧令坤竒之署權知揚州揚子縣

按東都事

畧作攝永正縣謹識

適兵革之際逃亡過半昂便宜綏輯復逋亡

者七千餘家令坤即表授本縣令宋初為衡州錄事參
軍李昉知州事深賞其文歷宜城令開寶中拜太子洗
馬知蓬州徙廣安軍會渠州妖賊李仙衆萬人劫掠軍
界昉設策禽之宰相薛居正稱其能遷殿中丞知泗州
聚淮水流尸為塚瘞之有成卒謀亂昉誅其首惡凡支
黨悉貫之累遷庫部員外郎峽路轉運使端拱二年以
本官直祕閣久之出知復州召還再直祕閣真宗即位
遷司封郎中知制誥判史館受詔編次三館祕閣書籍

咸平二年入翰林為學士請老以工部侍郎致仕命其子正辭知公安縣以便侍養舊制致仕官止謝殿門外昂特延見命坐恩禮甚厚遣中使賜宴玉津園兩制三館皆預仍詔賦詩餞行昂前後所得奉賜以三之一購奇書諷誦為樂及是自稱退叟著資理論三卷上之詔以其書付史館弟協以純謹著稱仕至主客郎中雍王府翊善亦告老歸兄弟皆眉壽時人以比漢二疏昂於所居建二亭曰知止曰幽棲頗好釋氏書景德四年卒

門人諡曰正裕先生詔加贈錄其孫适出身昂純厚
有清節澹榮利為洗馬十五年不以屑意居內署非公
事不至兩府在王邸時真宗居儲宮知其素守故每加
褒進然昂未嘗有所私請進退存禮士類多之有集三
十卷子正彛正辭正基

趙鄰幾字亞之鄆州須城人少好學能屬文嘗作禹別
九州賦凡萬餘言人多傳誦周顯德二年舉進士解褐
祕書省校書郎歷許州宋州從事太平興國初召為左

贊善大夫直史館改宗正丞四年郭贄宋白交薦之會
鄰幾獻頌帝覽而嘉之遷左補闕知制誥數月卒鄰幾
為文慕徐庾及王楊盧駱體屬對精切及掌誥命頗不
達體要常欲追補唐武宗以來實錄孜孜訪求遺事會
疾草以書未成為恨子東之以蔭補郎山主簿部送軍
糧詣北沒焉淳化中以參知政事蘇易簡言太宗遣直
史館錢熙往取其所著書得會昌以來日厯二十六卷
及文集三十四卷鰕子一卷六帝年畧一卷史氏懋官

志五卷來上詔卹其家時又有何承裕者晉天福末擢
進士第有清才好為歌詩而嗜酒狂逸初為中都主簿
桑維翰鎮兗州知其真率不責以吏事累官至著作佐
郎直史館出為藍屋咸陽二縣令為治清而不煩每覽
牒訴必戲判以喻曲直訴者多心服引去開寶三年自
涇州令入為監察御史後歷侍御史累知忠萬商三州
太平興國中卒

鄭起字孟隆不知何許人善屬文歌詩尤清麗舉進士

周廣順初調尉氏主簿宰相范質薦為右拾遺直史館
恭帝初遷殿中侍御史太祖乾德初出掌泗州市征刺
史張延範密奏起嗜酒廢職初顯德末起見太祖握禁
兵有人望乃上書范質極言其事又嘗遇太祖於路橫
絕前導而過太祖亦弗之怒及延範奏至出為河西令
會蜀平當徙遠官起不欲往乃炙烙其足因是成疾卒
起負才倨傲多所詆訐數為羣小窘辱終亦不改時有
郭昱者好為古文狹中詭僻周顯德中登進士第恥赴

常選獻書於宰相趙普自比巢由朝議惡其矯激久不
調後復伺普望塵自陳普笑謂人曰今日甚榮得巢由
拜於馬首開寶末普出鎮河陽昱詣薛居正上書極言
諍普居正奏之詔署襄州觀察推官潘美鎮襄陽討金
陵以昱隨軍昱中夜被酒號叫軍中皆驚美遣還後坐
盜用官錢除名雍熙中卒又有馬應者薄有文藝開寶
初僞元結中興頌作渤興頌以述太祖下荆湖之功欲
刊石於永州結頌之側令縣惡其夸誕不以聞太平興

國初登第授大理評事坐事除名淳化中以詩干同年
殿中丞牛景景因奏上太宗嘉之復授大理評事未幾
卒又有潁贄董淳劉從義善為文章張翼譚用之善為
詩張之翰善牋啟贄拔萃登科至太子中允淳為工部
員外郎直史館奉詔撰孟昶紀事從義多藏書嘗纂長
安碑文為遺風集二十卷餘皆官不達

和峴字晦仁開封儀浚人晉宰相凝之子七歲以門蔭
為左千牛備身選著作佐郎漢乾祐初加朝散階十六

登朝為著作郎拜太常丞太祖建隆初授太常博士從
祀南郊太祖謂近侍曰此誰氏之子熟於贊相左右以
峴門閭對俄拜刑部員外郎兼博士仍判太常寺乾德
元年十一月有事於南郊冬至有司復請祀昊天上帝
詔峴議其禮峴以祭義戒煩數請罷之二年議孝明孝
惠二后祔別廟峴以舊禮有二后同廟之文無各殿異
室之說今二后同祔別廟亦宜共殿別室孝明皇后嘗
母儀天下宜作上室孝惠皇后止以追尊當居次室從

之三年春初克夔州以峴通判州事代還是歲十二月十四日戊戌臘有司以七日辛卯蜡百神峴獻議正之四年南郊峴建議望燎位置燿火又嘗言依舊典宗廟殿廷設宮懸三十六架加鼓吹熊羆十二案朝會登歌用五瑞郊廟奠獻用四瑞迴仗至樓前奏采茨之曲御樓奏隆安之曲各用樂章復舉唐故事宗廟祭科外別設珍膳用申孝享之意又謂八佾之舞以象文德武功請用玄德升聞天下大定二舞並從其議先是王朴實

儼洞曉音樂前代不協律呂者多所考正後未有繼其職者會太祖以雅樂聲高詔峴講求其理以均節之自是八音和暢帝甚嘉之樂器有叉手笛者帝意欲增入雅樂峴即令樂工調品以諧律呂其執持之狀如拱揖然請目曰拱辰管詔備於樂府開寶初遷司勳員外郎權知泗州判吏部南曹歷夔晉二州通判九年江南平受詔採訪太宗即位遷主客郎中太平興國二年知兗州改京東轉運使峴性苛刻鄙吝好殖財復輕侮人嘗

以官船載私貨販易規利初為判官鄭同度論奏既而
彰信軍節度使劉遇亦上言按得實坐削籍配隸汝州
六年起為太常丞分司西京復階勲章服端拱初帝躬
耕藉田峴奉留司賀表至闕下因以其所著奉常集祕
閣集注釋武成王廟贊奉御帝甚嘉之復授主客郎中
判太常寺兼禮儀院事尋卒弟巖

巖字顯仁凝第四子也生五六歲凝教之誦古詩賦一
覽輒不忘試令為詠物詩頗有思致凝歎賞之太平興

國八年擢進士第釋褐霍邱主簿雍熙初知崇仁縣就
拜大理評事江南轉運使楊緘以其材幹奏移知南昌
縣代還為刑部詳覆官遷光祿寺丞先是凝嘗取古今
史傳辨雪冤枉等事著為疑獄集蒙因增益事類分為
三卷表上之又獻所著文賦五十軸召試中書擢為太
子中允先是馮起撰御前登第三勝碑以獻帝甚稱獎
命直史館淳化初蒙又撰七勝題名記并補注凝所撰
古今孝弟集成十卷以獻遂以本官直集賢院三年春

獻觀燈賦詔付史館遷右正言太宗親試貢士蒙預考
校作歌以獻帝對宰相稱賞之時摹印儒行篇以賜新
及第人及三館臺省官皆上表謝蒙與張洎尤稱旨遂
以本官知制誥加水部員外郎知理檢院至道元年與
王旦同判吏部銓尋卒帝聞之驚歎賙賻加等長子珙
纔十歲即授大理評事次子璲補太廟齋郎蒙每草制
必精思討索而後成拘於引類偶對頗失典誥體帝以
其貴家子能業文甚寵待之欲召入翰林謂近侍曰蒙

眸子眊眊然胸中必不正不可以居近侍也其命遂寢
蒙弟嶧始為三班奉職淳化中獻文求試帝以故相之
後改授大理評事

馮吉字惟一河南洛陽人道之子也晉天福初以父任
校書郎累遷司勳郎中周顯德中遷太常少卿嗜學善
屬文工草隸然性滑稽無操行雅好琵琶尤臻其妙父
嘗戒令勿習吉性所好亦不能改道欲辱之因家宴令
吉奏琵琶為壽吉了無忤色及為少卿頗不得意以酒

自娛每朝士宴集雖不召亦常自至酒酣即彈琵琶彈
罷賦詩詩成起舞宋初受詔撰明憲皇太后諡議見稱
於時建隆四年卒

欽定續通志卷五百五十七

欽定四庫全書

欽定續通志卷五百五十八

文苑傳

宋二

高頤

李度

韓溥

鞠常

宋準

柳開

夏侯嘉正

羅處約

安德裕

錢熙

高頔字子奇開封雍邱人後唐清泰中登進士乙科四
遷魏博觀察支使周顯德中符彥卿奏署掌書記時太
宗親迎懿德皇后於大名彥卿遣頔迎候日夕陪接尤
伸欵好後隨彥卿鎮鳳翔會詔留彥卿洛陽頔復為天
雄軍掌書記後以病免居於魏太宗雍熙二年親試貢
士頔子南金舉學究自陳父年八十四嘗佐使幕久罷
職家貧無以存養願賜一第庶獲寸祿以及老父帝問
左右其父何人宰相宋琪以頔對帝曰此高頔子耶頔

在大名幕中嘗與朕遊處晨暮對案飲食常拱手危坐
未曾少懈其恭謹蓋天性也即擢南金第拜頤左補闕
致仕後卒於家頤有清節力學彊記手寫書千餘卷彥
卿待之甚厚或過致優給頤計口受費餘皆不納彥卿
左右多肆貪虐民不能堪及罷鎮其故時將吏賓客皆
心愧無敢復遊魏者惟頤清苦守法魏人愛之在魏三
十年無一人言其非者次子鼎舉進士至殿中丞

李度河南洛陽人周顯德中舉進士度工詩有醉輕浮

世事老重故鄉人之句時翰林學士申文炳知貢舉樞密使王朴移書錄其句以薦之文炳即擢度為第三人釋褐永寧縣主簿累遷殿中丞知歙州坐事左遷絳州團練使十年不調度在歙州嘗以所著詩刻於石有中黃門得其石本傳入禁中太宗見之謂宰相曰度今安在即召對擢為虞部員外郎直史館端拱初藉田畢交州黎桓加恩命度借太常少卿充官告國信副使賜詩寵行未至卒度之南使每至州府即借圖經觀其勝迹

皆形篇詩以帝所賜詩有奉使南遊多好景之句遂題
為奉使南遊集弟康亦善詩太平興國二年登進士第
官至太子右贊善大夫

韓溥京兆長安人唐宰相休之後少俊敏善屬文周顯
德初舉進士累歷幕府太祖開寶三年自靜難軍掌書
記召為監察御史三遷至庫部員外郎知華州同判靈
州再轉司門郎中卒溥博學善持論詳練臺閣故事多
知唐朝氏族與人談疊疊可聽號為近世內譜搢紳頗

推重之尤善筆札弟洎亦進士及第

鞠常字可久密州高密人父慶孫申州團練判官有詩
名常少好學善屬文漢乾祐二年擢進士第裁二十一
釋褐祕書省校書郎周廣順中宰相范質奏充集賢校
理出為鄆州觀察支使歷伊陽令顯德四年詣闕進策
召試復授猗氏令遷蔡州防禦判官復宰介休魏縣太
祖開寶中趙普為相擢為著作佐郎時任此官惟常與
楊徽之李若拙趙隣幾四人皆有名於時常應舉時著

四時成歲賦萬餘言又為春蘭賦頗存興託後為清河
令七年卒子仲謀字有開雍熙中進士有材幹官至兵
部員外郎嘗集其父所為文成二十卷常弟瑜周廣順
中進士與常齊名

宋準字子平開封雍邱人開寶中舉進士第一時翰林
學士李昉知貢舉會貢士訴昉取舍非公召準覆試復

冠多士即授祕書省祕書郎

東都事畧
作校書郎

直史館太平興

國中累遷左拾遺八年同知貢舉出為河北轉運使歲

餘以本官知制誥雍熙中加主客員外郎復預知貢舉
俄判大理寺四年被病遷金部郎中端拱二年卒準美
風儀善談論辭采清麗所至皆有治聲盧多遜之南流
也李穆坐同年生黜免左右無敢言者準因奏事盛言
穆長者有檢操常惡多遜專恣非其黨也帝悟盡復穆
舊官時論多之天禧三年錄其子大年試祕書省校書
郎

柳開字仲塗大名父承翰乾德初監察御史開幼穎

異有膽勇周顯德末從父任南樂夜有盜入室衆恐不敢動開年裁十三亟取劍逐之盜踰垣出開揮刀斷其足指既就學喜討論經義五代文格淺弱慕韓愈柳宗元為文因名肖愈字紹元既而改名字以為能開聖道之塗也

按東都事畧云有趙生者得韓文數十篇未達以示開開一見遂知為文之趣自是屬文必法

韓愈宋史不載謹附識

尚氣自任不顧小節所交皆一時豪雋范

杲好古學甚重開文世稱為柳范開寶六年舉進士補宋州司寇參軍以治獄稱職遷錄事參軍太平興國中

擢右贊善大夫會征太原督楚泗八州運糧選知常州
遷殿中丞徙潤州拜監察御史召還知貝州轉殿中侍
御史雍熙二年坐與監軍忿爭貶上蔡令會北方用師
開部送軍糧將至涿州遇契丹將與米信戰久不解俄
遣使求和開謂信曰兵法云無約而請和謀也急攻之
必勝信遲疑不決踰二日復引兵求挑戰後偵知果以
矢盡俟取於幽州也師還詣闕上書願從邊軍效死太
宗憐之復授殿中侍御史使河北因抗疏曰臣受非常

恩未有以報願陛下賜臣步騎數千任以河北用兵之地必能為陛下復幽薊帝方擇文臣有武畧者用之即

授開崇儀使知寧邊軍

東都事畧作寧遠軍

徙全州州之西有溪

洞粟氏久為邊患朝廷設峽口香烟等七砦不能禦開

選勇辯吏往說之不踰月攜老幼至開賦其居業作時

鑑一篇刻石戒之遣其酋入朝授本州上佐淳化初移

知桂州初開在全州有卒訟開開即杖背黥面送闕下

有司言卒罪不及徒坐削二官黜為復州團練副使移

滁州上書自陳復舊官知環州三年移邠州時調民輦
送趨環慶已再運民皆蕩析產業轉運使復督後運民
數千人入州署號訴開移書轉運使罷之又知曹邢二
州真宗即位加如京使徙代州上言益州稍靜望選賢
能以鎮之必須望重有威即羣小畏服又西鄙今雖歸
順他日未可必保望常預備之以良將守其要害以厚
賜足其貪婪以撫慰來其情以寬假息其忿多使人入
甘涼厚結其心為我聲援如有動靜使其掩襲令彼有

後顧之憂乃可制其輕動今甲兵雖衆不及太祖之時
人人練習謀臣猛將則又懸殊是以比年邊界屢遭侵
擾願訓練禁戢使如往日行伍必求於勇敢指顧無縱
於後先失律者悉誅獲功者必賞偏裨主將不威嚴者
去之又宰相樞密朝廷大臣委之必無疑用之必至當
今京朝官則別置審官供奉殿直則別立三班刑部不
令詳斷別立審刑宣徽一司全同散地大臣不獲親信
小臣乃謂至公至如銀臺一司舊屬樞密近年改制職

掌甚多加倍置人事則依舊欲望停審官三班復委中書樞密宣徽院銀臺司復歸樞密審刑院復歸刑部去其繁細省其頭目又天下州縣官吏不均欲望縣四千戶以上選朝官知三千戶以上選京官知省去主簿令縣慰兼領其事自餘通判監軍巡檢監臨使臣並酌量省減免虛費於利錄仍均濟於職官又人情貪競時態輕浮雖骨肉之至親臨勢利而多變仁義之風蕩然不復欲望明頒告諭各使改更庶厚化原永敦政本開至

州葺城壘戰具諸將多沮議即求換郡徙忻州刺史及契丹侵邊開上書請車駕觀兵河朔咸平四年徙滄州未至卒錄其子涉為三班奉職開善射喜奕棊有集十五卷作冢戒千餘言刻石以訓諸子性倜儻重義在大名嘗過酒肆飲有士人在旁辭貌稍異開詢之則至自京師以貧不克葬其親聞王祐篤義將丐之問所費曰二十萬足矣開即罄所有遺之開兄肩吾至御史

夏侯嘉正字會之江陵人少有俊才太平興國中舉進

士歷官至著作佐郎嘗使巴陵作洞庭賦徐鉉見奇之
端拱初太宗知其名召試辭賦擢為右正言直史館兼
直祕閣元夕帝御乾元門觀燈嘉正獻五言十韻詩其
末句云兩制誠堪羨青雲侍玉輿帝依韻和以賜之有
狹劣終難舉通才列上居之句議者以為誠嘉正之好
進也未幾卒子紆

羅處約字思純益州華陽人父濟仕蜀為升朝官歸朝
為開封府司錄太宗尹京頗嘉其彊幹終太常丞處約

登進士第為臨渙主簿再遷大理評事知吳縣時王禹
偁知長州與為唱酬人多傳誦後並召赴闕太宗自定
題以試之以禹偁為右拾遺處約著作郎皆直史館會
下詔求謹言處約奏頃聞以三司為邦計所屬簿書既
廣綱條實繁欲置十二員判官兼領其職臣以為三司
之制非古莫若復尚書都省故事其尚書丞郎正郎員
外郎主事令史之屬請依六典舊儀以今三司錢刀粟
帛筦樞支度之事均在二十四司如此則各有司存可

以責其集事矣受詔荆湖路巡撫欲以苛察立名所奏
劾甚衆官吏多被黜責淳化三年卒處約有詞采而急
於進用時論以此薄之有文集十卷曰東觀集王禹偁
為之序蘇易簡表上之詔付史館蜀士又有嚴儲者太
平興國中進士後直史館使河北督軍糧陷於契丹
安德裕字益之一字師舉河南人父重榮晉成德軍節
度使德裕生於真定未暮重榮舉兵敗乳母抱逃水竇
中為守兵所得執以見軍校秦習習與重榮有舊匿之

因姓秦氏既長博貫文史精於禮傳習卒德裕行三年
服然後還本姓習家畫以素裝與之德裕却之曰斯秦
氏之蓄於我何有丈夫當自樹功名以取富貴豈屑於
他人所有耶開寶二年擢進士旧科歸州軍事推官歷
大理寺丞著作佐郎太平興國中累遷祕書丞知廣濟
軍時軍城新建德裕作軍記及圖經三卷俄改太常博
士八年通判秦州就知州事雍熙初遷主客員外郎宰
相李昉言其有史才即以本官直史館端拱初改金部

員外郎淳化初知開封縣會備三館職改直昭文館三年春廷試貢士德裕與史館修撰梁周翰並為考官帝顧宰相曰此皆有聞之士而老於郎署周翰狹中德裕嗜酒朕聞其能改矣遂並賜金紫遷司勳員外郎至道三年轉金部郎中出知睦州還判太府寺咸平五年卒德裕性介潔以風鑑自負王禹偁孫何初遊詞場德裕力為延譽及領考試何又其首選有集四十卷

錢熙字太雅泉州南安人父居讓陳洪進署清溪令熙

幼穎悟及長博貫羣籍善屬文洪進嘉其才以弟之子
妻之將署熙府職辭不就著楚鴈賦以見志尋辟為巡
官專掌牋奏洪進歸朝熙不叙舊職以進士甲科補度
州觀察推官代還寇準掌吏部選上封薦錢若水陳充
王扶洎熙皆有文得試中書遷殿中丞直史館熙嘗與
楊徽之言及張洎錢若水將被進用熙與劉昌言同鄉
里相親善又語及其事昌言因以語洎洎疑熙交搆訴
之熙坐削職通判朗州徙衡州就改太常博士真宗即

位遷右司諫通判杭州政多專達為轉運使所奏徙越州熙負氣好學精筆札狂躁務進自罷職因憤恚成疾咸平三年卒嘗擬古樂府著雜言十數篇及措刑論為識者所許有集十卷子蒙吉亦進士及第

欽定四庫全書

欽定續通志卷五百五十九

文苑傳

宋三

陳充

吳淑 舒雅

黃夷簡 盧稹 謝炎

句中正 孫逢吉 林罕

曾致堯

刁衍

姚鉉

李建中

洪湛

路振

崔遵度

陳越

陳充字若虛益州成都人雍熙中天府禮部奏名皆為進士之冠廷試擢甲科釋褐益州觀察推官就改掌書記會寇準薦其文學得召試授殿中丞出知明州入為太常博士直昭文館累遷兵部員外郎景德中與趙安仁同知貢舉歷工部刑部郎中大中祥符六年以足疾不任朝謁出權西京留守御史臺旋以本官分司卒充詞學典謄性曠達澹於榮利自號中庸子帝頗熟其名以疾故不登詞職有集二十卷

吳淑字正儀潤州丹陽人父文正仕吳至太子中允淑幼俊爽屬文敏速韓熙載潘佑深器重之在江南舉進

士擢高第補丹陽尉久之以校書郎直內史

按淑舉南唐進士史

傳不載今據東都事畧輯

從李煜歸朝久不得調俄以近臣薦試學

士院授大理評事預修太平御覽太平廣記文苑英華

歷太府寺丞著作佐郎始置祕閣以本官充校理嘗作

事類賦百篇以獻詔令注釋淑分注成三十卷上之遷

水部員外郎至道二年兼掌起居舍人事預修太宗實

錄再遷職方員外郎時諸路所上閏年圖皆儀鸞司掌之淑上言曰天下山川險要皆王室之祕與國家之急務故周禮職方氏掌天下圖籍漢祖入關蕭何收秦籍由是周知險要請以今閏年所納圖上職方又州郡地理犬牙相入向者獨畫一州地形則何以傳合他郡望令諸路轉運使每十年各畫本路圖一上職方從之咸平五年卒淑性純靜好古詞學典雅初曹彬圍建業城中乏食里閭有與淑同宗者舉家皆歿惟存二女孩淑

即收養如所生及長嫁之時論多其義善筆札好篆籀
取說文有字義者千八百餘條撰說文互義三卷又著
江淮異人錄三卷祕閣閒談五卷及集十卷子安節讓
夷遵路皆進士及第遵路見楮吏傳

舒雅字子正久仕李氏江左平為將作監丞後充祕閣
校理好學善屬文與吳淑齊名累遷職方員外郎求出
得知舒州仍賜金紫恬於榮宦州之潛山靈仙觀有神
仙勝迹郡秩滿即請掌觀事東封就加主客郎中改直

昭文館轉刑部在觀累年優游山水吟詠自樂時人美之卒弟雄端拱二年進士

黃夷簡字明舉福州人少好學有名江東仕吳越為明州荆官太平興國初隨錢俶來朝授檢校祕書少監元帥府掌書記八年俶辭元帥改授夷簡淮海國王府判官雍熙四年俶改封許王出鎮南陽加夷簡倉部員外郎充許王府判官俶薨歸朝為考功員外郎累遷都官郎中掌名表人頗稱其得體至道二年直祕閣判吏部

南曹咸平中召試翰林遷光祿少卿景泰中夷簡被病告滿二百日御史臺言當除籍真宗以其吳越舊僚有詞學且年老母在特命續其月廩大中祥符初遷祕書少監三年丁內艱歸帝欲不絕其奉給特授檢校祕書監平江軍節度副使踰年卒夷簡喜談論善屬文尤工詩詠老而不輟時又有盧稹謝炎許洞皆以文名

盧稹字淑微杭州人幼穎悟七歲能詩及長曉五經大義尤嗜周易孟子端拱初游京師時徐鉉以宿儒為士

子所宗覽稹文甚奇之是年登進士第調補真定束鹿主簿至府值契丹圍城未及赴官卒嘗著五帝皇極志
孺子問翼聖書數十篇

謝炎字化南蘇州嘉興人慕韓柳為文與盧稹齊名時稱盧謝稹僕儒炎勁急殊相厚善端拱初舉進士調補昭應主簿徙伊闕連知華容公安二縣卒集二十卷

許洞字洞天蘇州吳縣人洞性疎雋幼習弓矢擊刺之伎及長折節勵學尤精左氏傳咸平三年進士解褐雄

武軍推官嘗詣府白事有卒踞坐不起即杖之時馬知
節知州洞又移書責知節知節怒其不遜會洞轍用公
錢奏除名歸吳中數年日以酣飲為事景德二年獻所
撰虎鈴經二十卷應洞識韜畧運籌決勝科以負譴報
罷就除均州參軍大中祥符四年祀分陰獻三盛禮賦
召試中書改烏江縣主簿卒有集一百卷又著春秋釋
幽五卷演玄十卷

按宋史此下附徐鉉及弟鉞
傳今改附載記此處從刪

句中正字坦然益州華陽人孟昶時館於其相母昭裔

之第昭裔奏授崇文館校書郎復舉進士及第累為昭裔從事歸朝補曹州錄事參軍汜水令又為潞州錄事參軍中正精於字學古文篆隸行草無不工太平興國二年獻八體書太宗素聞其名召為著作佐郎直史館被詔詳定篇韻四年命副張洎為高麗加恩使還遷左贊善大夫改著作郎與徐鉉重校定說文太宗嘉賞因問中正凡有聲無字有幾何中正退條為一卷以獻帝曰朕亦得二十一字可并錄之時又命與著作佐郎吳

鉉大理寺丞楊文舉同撰定雍熙廣韻中正先以門類
上進面賜緋魚俄加太常博士廣韻成拜虞部員外郎
淳化元年改直昭文館三遷屯田郎中嘗以大小篆八
分三體書孝經摹石咸平三年表上之賜金紫命藏於
祕閣時乾州獻古銅鼎狀方而四足上有古文二十一
字人莫能曉命中正與杜鎬詳驗以聞援據甚悉五年
卒中正喜藏書家無餘財子希古希仲並進士及第蜀
人又有孫逢吉林罕逢吉嘗為蜀國子毛詩博士檢校

刊刻石經罕亦善文字學嘗著說文二十篇目曰林氏
小說刻石蜀中

曾致堯字正臣撫州南豐人太平興國八年進士解褐
符離主簿梁州錄事叅軍三遷著作佐郎直史館改祕
書丞出為兩浙轉運使嘗上言去歲所部秋租惟湖州
一郡督納及期而蘓常潤三州悉有逋負請各按賞罰
太宗以江淮頻年水災蘇常特甚所言刻薄不可行詔
戒致堯毋擾民徙知壽州轉太常博士致堯性剛率好

言事前後屢上章奏辭多激訐真宗即位遷主客員外郎判鹽鐵勾院張齊賢薦其材任詞職命翰林試制誥既以與議未允而罷李維遷擾西鄙靈武危急命張齊賢為涇原邠寧環慶等州經畧使選致堯為判官仍遷戶部員外郎既受命因抗疏自陳願不受章紱之賜詞旨狂躁詔鞠其罪黜為黃州副使未幾復舊官改吏部員外郎歷知秦泉蘇揚鄂五州大中祥符初遷禮部郎中坐知揚州日冒請一月奉降掌昇州權酤轉戶部郎

中五年卒致堯頗好纂錄所著有仙鳧羽翼廣中台志
清邊前要西陲要記為臣要紀子易從易占皆登進士
第

刁衍字元賓昇州人父彥能仕南唐為昭武軍節度使
衍用蔭為祕書郎集賢校理賜五品服以文翰入侍李
煜令直清輝殿閱中外章奏金陵平從煜歸宋太祖賜
緋魚授太常寺太祝稱疾假滿屏居輦下者數歲太平
興國初李昉扈蒙在翰林勉其出任因撰聖德頌獻之

詔復本官出知桐廬縣會詔羣臣言事衍上書言古者
投姦凶於四裔今遠方囚人盡歸京闕以配務役最非
其宜且神臯勝地天子所居豈使流囚於此聚役自今
外處罪人望勿許解送上京亦不留於諸務充役再遷
大理寺丞獻文四十篇召試授殿中丞通判湖州上疏
請定天下酒稅額修郡縣城隍條約牧宰除兩浙丁身
錢禁汴水流尸凡五事俄知婺州遷國子博士會考校
百官殿最衍以無過得知光州就改虞部員外郎轉運

使狀其政績徙知廬州真宗即位遷比部員外郎嘗上
疏曰陛下繼圖茲始布政惟新所宜上順天心下從人
欲進善以去惡避毀而求譽私賞無及於小人私罰無
施於君子任賢勿貳去邪勿疑開諍諫之門塞讒佞之
口愛而知其惡憎而知其善無以春秋鼎盛而耽於逸
游無以血氣方剛而惑於聲色若太祖之勤儉若太宗
之惠慈答天地敷錫之意保祖宗艱難之業則周成漢
文三宗之美不可同年而議擬也代還獻所著本說十

卷得以本官充祕閣校理出知潁州入為比部員外郎
改直祕閣判三司開拆司預修冊府元龜加主客郎中
求領外任得知湖州轉刑部郎中歲滿復預編修大中
祥符六年書成授兵部郎中卒衍恬於祿位善談笑交
道敦篤士大夫多推重之子湛湜渭皆登進士第湛子
繹約天聖中並進士及第

姚鉉字寶之廬州合肥人太平興國八年進士甲科解
褐大理評事知潭州湘鄉縣三遷殿中丞通判簡宣昇

三州淳化五年直史館侍宴內苑應制賦賞花釣魚詩
特被嘉賞至道初遷太常丞充京西轉運使歷右正言
右司諫河東轉運使上言曰伏見諸路官吏或彊明莅
事惠愛及民者則必立條教除其煩擾然狡胥之輩非
其所便候其罷官悉藏記籍害公蠹政莫甚於此欲望
所在官吏有經畫利濟事可長久者歲終書歷受代日
錄付新官俾之遵守若事有灼然匪便聽上聞俟報改
正詔從之咸平三年河決軍州王陵埽以鉉知州事徙

州於汶陽鄉之高原委以營度許便宜從事工畢加起居舍人京東轉運使徙兩浙路鉉雋爽尚氣薛映知杭州與之不協事多矛盾映撫鉉罪狀密以聞詔使劾之當奪一官特除名貶連州文學大中祥符五年會赦移岳州又移舒州俄授本州團練副使天禧四年卒鉉文詞敏麗善筆札藏書至多頗有異本兩浙課吏寫書亦薛映所倚之一事雖被斤竄猶傭夫荷擔以自隨有集二十卷又采唐人文章纂為百卷目曰文粹卒後子嗣

復以其書獻詔藏內府授詞復永城主簿幼子稱俊穎
善屬辭裁十歲卒鉉紀其事為聰悟錄人多傳之

李建中字得中其先京兆人建中幼好學十四丁外艱
會蜀平侍母居洛陽聚學以自給攜文遊京師為王祐
所延譽太平興國八年進士甲科解褐大理評事為岳
州錄事參軍轉運使李惟清薦其能再遷著作佐郎監
潭州茶場改殿中丞歷通判道郢二州柴成務領漕運
再表稱薦轉太常博士時言事者多以權利進獨建中

表陳時政利害序王霸之畧太宗嘉賞引對便殿賜以
緋魚會課京朝官建中舊坐公累罰金漏其事坐降授
殿中丞監在京權易務蘇易簡于太宗前論蜀中文士
因及建中太宗亦素知之命直集賢院出為兩浙轉運
副使歷通判河南府知曹解頴蔡四州景德中進金部
員外郎建中性簡靜恬於榮利前後三求掌西京留司
御史臺愛洛中風土遂居之加司封員外郎工部郎中
素善修養術會命官校定道藏建中預焉又判太府寺

按東都事畧作
太常寺註識

大中祥符六年卒建中善書札行筆尤

工多構新體草隸篆籀八分俱妙嘗手寫郭忠恕汗簡
集以獻皆科斗文字有詔嘉獎好古勤學多藏古器名
畫有集三十卷子周道周士周民周道周士並進士及
第

洪湛字惟清昇州上元人幼好學五歲能為詩未冠錄
所著十卷為韶年集舉進士有聲雍熙二年廷試已落
復試擢寘高等解褐歸德軍節度推官召還授右拾遺

直史館端拱初通判壽許二州還朝與左正言尹黃裳
馮拯右正言王世則宋沆伏閣請立許王元僖為儲貳
詞意狂率太宗怒坐削職出知容州容之戍卒有謀竊
發者湛偵知亟斬之再遷比部員外郎知郴舒二州咸
平二年召還命試舍人院復直史館是秋命與閣門祇
候韓紹輝使荆湖按視民事條奏利病甚衆還判三司
都磨勘司又與王欽若同知貢舉未幾同修起居注時
議城綏州與閣門祇候程順奇同往按視湛言城之利

有七而害有二遂詔營葺終以勞人罷之湛俊辨有材
幹凡五使西北議邊要真宗有意擢任顧遇甚厚侍宴
苑中賦賞花釣魚詩不移晷以獻深被褒賞五年春有
河陰民常德方訟臨津尉任懿納賄登第事下御史臺
鞠得懿款云因僧仁雅惠泰賂主司王欽若欽若方被
寵顧乃詔翰林侍讀學士邢昺內侍副都知閻承翰等
就太常寺別鞠懿易款云有妻兄張駕舉進士識湛懿
亦與駕同造湛門嘗以石榴二百枚木炭百秤饋之懿

之輸銀但憑二僧達一主司實不知誰何迺以為湛納其銀湛適使陝西中途召還時張駕已死無與左證遂以湛受銀法當死特詔削籍流儋州初王旦與欽若知舉出拜樞密副使以湛代領其事湛之入貢院懿已試第三場畢及官收湛賦家實無物湛素與梁顥善或假顥白金器及取以輸官六年會赦移惠州至化州調馬驛卒湛時一子偕行甚幼州以聞特詔賜錢二萬官為護喪還揚州因詔命官配流嶺外而沒者悉給緡錢聽

其歸葬如親屬幼穉者所在遣牙校部送之湛有集十
卷子鼎大中祥符四年進士

路振字子發永州祁陽人唐相巖之四世孫巖貶死嶺
外其子琛避地湖湘間遂居焉振幼穎悟十二歲而孤
母慮其廢業日加誨激雖隆冬盛暑未始有懈淳化中
舉進士試卮言日出賦獨振知所出賦亦典贍太宗甚
嘉之擢實甲科釋褐大理寺評事通判邠州徙徐州召
還直史館遷太子中允知濱州一日契丹騎至城下兵

少民相恐衆謂振文吏無戰禦方畧環聚而泣振乃親
加撫諭且以敵盛不可與爭鋒宜堅壁自守數日契丹
引去入判大理寺改太常丞知河中府徙知鄆州代還
判吏部南曹三司催欠憑由司景德中使福建巡撫俄
判登聞院為國史編修官大中祥符初使契丹撰乘輅
錄以獻遷左司諫知制誥振文詞溫麗屢奏賦頌為名
輦所稱尤長詩詠從事醺臺時獨直行在專典綸翰牋
奏填委應用無滯七年同修起居注以疾卒錄其子綸

為太常寺奉禮郎振純厚無城府恂恂如也有集二十卷又嘗采五代末九國君臣行事作世家列傳書未成而卒

崔遵度字堅白本江陵人後徙淄州之淄川純介好學太平興國八年舉進士解褐和州主簿改臨汾饋芻糧三抵綏州轉運副使夏侯濤上其行狀召對因獻文時新建祕閣命中書試頌一首擢著作佐郎淳化中吏部侍郎李至薦之遷殿中丞出知忠州李順之亂賊遣其

黨張餘來攻遵度領甲士百餘背城而戰賊踰堞以入
遵度投江中賴州兵援之得免坐失城池貶崇陽令移
鹿邑咸平初復為太子中允景德初內出遵度名引對
崇政殿詔索所著文召試舍人院改太常丞直史館與
路振並為國史編修官大中祥符元年命同修起居注
東封進博士祀汾陰命為左司諫遵度與物無競口不
言是非淳澹清素於勢利泊如也善鼓琴嘗著琴箴世
以為知言九年仁宗為壽春郡王命遵度與張士遜並

為王友改戶部員外郎賜金紫國史成拜吏部員外郎
昇邸進封改禮部郎中充諮議參軍儲宮建又加吏部
兼左諭德未幾判司農寺遵度性寡合喜讀易天禧四
年卒其子拜官者二人仁宗即位特詔贈工部侍郎又
授其二孫官有集二十卷

陳越字損之開封尉氏人少好學尤精歷代史善屬文
辭氣俊拔咸平中詔舉賢良刑部侍郎郭贇薦之策入
第四等解褐將作監丞通判舒州徙端州袁州未幾召

還遷著作佐郎直史館預修冊府元龜與陳從易劉筠
尤為勤職車駕朝陵掌留司名表時稱為工自是兩府
牋奏多命草之祀汾陰擢為左正言越耿槩任氣喜箴
切朋友放曠盃酒間家徒壁立不以屑意然嗜酒過差
每食必先引數升用是遺疾大中祥符五年卒故事中
書章奏皆舍人為之東封後朝廷多慶禮舍人或以他
務所嬰乃擇館閣官得盛度路振劉筠夏竦宋綬洎越
分撰表奏宰相嘗以名聞其後皆相次掌外制唯越不

及登擢時論惜之

欽定續通志卷五十九

欽定四庫全書

欽定續通志卷五百六十

文苑傳

宋四

穆修

石延年

劉潛李冠

蕭貫

蘇舜欽

尹源

黃亢

黃鑑

楊蟠

顏太初

穆修字伯長鄆州人幼嗜學不事章句

按東都事畧云修師事陳搏而

傳其易史傳
不載謹附識

真宗東封詔舉齊魯經行之士修預選賜
進士出身調泰州司理參軍負才與衆齟齬通判忌之
使人誣告其罪貶池州中道亡至京師叩登聞鼓訴冤
不報居貶所歲餘遇赦得釋迎母居京師久之補潁州
文學參軍徙蔡州明道中卒修性剛介好論斥時病詆
諂權貴人欲與交結往往拒之張知白守亳亳有豪士
作佛廟成知白使人召修作記記成不書士名士以白
金五百遺修為壽且求載名於記修投金庭下趣裝去

郡士謝之終不受且曰吾寧餬口為旅人終不以匪人

汚吾文也宰相欲識修且將用為學官修終不往見

按東

都事畧云初丁謂與修有布衣舊修每輕之謂既顯而修尚未仕相遇於漢上一揖而去謂衡之真宗嘗問侍臣穆修有文公卿何以不薦謂對云修行不逮文乃已史傳不載謹附識母卒自負櫬以葬

自五代文敝宋初柳開始為古文其後楊億劉筠尚聲偶之辭學者靡然從之修於是時獨以古文稱蘇舜欽兄弟多從之游修雖窮死然一時士大夫稱能文者必曰穆參軍慶歷中祖無擇訪得所著詩書序記誌等數

十首集為三卷

石延年字曼卿先世幽州人晉以幽州遺契丹其祖舉族南走家於宋城延年為人跌宕任氣節讀書通大畧為文勁健於詩最工而善書累舉進士不中真宗錄二舉進士以為三班奉職延年耻不就張知白素奇之謂曰母老乃擇祿耶延年不得已就命後以右班殿直改太常寺太祝知金鄉縣有治名以薦通判乾寧軍徙永靜軍還為大理評事館閣校勘歷光祿大理寺丞上書

章獻太后請還政天子太后崩范諷欲引延年延年力止之後諷敗延年坐與諷善落職通判海州久之為祕閣校理遷太子中允同判登聞鼓院嘗上言天下不識戰三十餘年請為二邊之備不報及元昊反始思其言召見稍用其說命往河東籍鄉兵得十數萬時邊將遂欲以扞敵延年笑曰此得吾粗也夫不教之兵勇怯相雜若怯者見敵而動則勇者亦牽而潰矣今既不暇教宜募其敢行者則人人皆勝兵也又嘗請募人使啗廝

囉及回鶻舉兵攻元昊帝嘉納之延年喜劇飲嘗與劉潛造王氏酒樓對飲終日不交一言至夕無酒色相揖而去明日都下傳王氏酒樓有二仙來飲已乃知劉石也延年雖酣放然與人論天下事是非無不當初與天章閣侍制吳遵路同使河東及卒遵路言於朝官其一子

劉潛字仲方曹州定陶人少卓逸有大志好為古文以進士起家為淄州軍事推官嘗知蓬萊縣代還過鄆州

聞母暴疾亟歸母卒潛一慟遂絕其妻復撫潛大號而死時人傷之曰子死於孝妻死於義同時以文學稱京東者齊州歷城有李冠舉進士不第得同三禮出身調乾寧主簿卒有東臯集二十卷

蕭貫字貫之臨江軍新喻人俊邁能文尚氣概舉進士甲科為大理評事通判安宿二州遷太子中允直史館仁宗即位進太常丞同判禮院歷京東轉運使時提舉捉賊劉舜卿善捕盜號劉鐵彈恃功為不法前後畏其

凶悍莫敢治貫至發之廢為民徙江東改知洪州累遷
尚書刑部員外郎坐前使江東失察所部吏受賕降知
饒州有撫州司法參軍孫齊者初以明法得官以其妻
杜氏留里中而結娶周氏入蜀後周欲訴於官齊斷髮
誓出杜氏久之又納倡陳氏挈周所生子之撫州未踰
月周氏至齊梓置廡下出偽券曰若傭婢也敢爾邪乃
殺其所生子周訴於州及轉運使皆不受人或告之曰
得知饒州蕭使君者訴之事當白矣周氏以布衣書姓

名乞食道上奔告貫撫非所部而貫特為治之更赦猶
編管齊濠州遷兵部員外郎召還將試知制誥未及而
卒貫臨事敢為不苟合於時初感疾夢綠衣中人召至
帝所賦禁中曉寒歌詞清麗人以比唐李賀

蘇舜欽字子美參知政事易簡之孫父耆有才名嘗為
工部郎中直集賢院舜欽少慷慨有大志天聖中學者
為文多務對偶獨舜欽與穆修好為古文歌詞初以父
任補太廟齋郎調滎陽縣尉王清昭應宮災舜欽時年

二十一詣登聞鼓院上疏曰臣觀今歲自春徂夏霖雨陰晦未嘗少止農田被菑者幾於十九臣以為任用失人政令多過賞罰弗中之所召也天之降災欲悟陛下而大臣歸咎於刑獄之濫陛下聽之故肆赦天下以為禳救如此則是殺人者不死傷人者不抵罪而欲以合天意也古者斷決滯訟以平水旱不聞用赦故赦下之後陰雨及今前志曰積陰生陽陽生火災見焉乘夏之氣發洩於玉清宮震雨雜下烈焰四起樓觀萬疊數刻

而盡非慢於火備乃天之垂戒也陛下當降服減膳避
正寢責躬罪已罷非業之作拯失職之民察輔弼及左
右無裨國體者罷之竊弄權威者去之庶幾變災為祐
決日之間未聞為此而將計工役以圖修復都下之人
聞者駭惑聚首橫議咸謂非宜今為陛下計莫若求吉
士去佞人修德以勤至治使百姓足給而征稅寬減則
可以謝天意而安民情矣臣又按五行志賢佞分別官
人有叙率由舊章禮重功勲則火得其性若信道不篤

或耀虛偽讒夫昌邪勝正則火失其性願陛下拱默內省而追革之罷再造之榮述前世之法天下之幸也又上書曰臣覩乙亥詔書戒越職言事播告四方無不驚惑往往竊議恐非出陛下之意蓋陛下即位以來屢詔羣下勤求直言使百僚轉對置匭函設直言極諫科今詔書頓異前事豈非大臣壅蔽陛下聰明杜塞忠良之口不惟虧損朝政實亦自取覆亡之道夫納善進賢宰相之事蔽君自任未或不亡今諫官御史悉出其門但

希旨意即獲美官多士盈庭噤不得語陛下拱默何由
盡聞天下之事乎前孔道輔范仲淹剛直不撓正位臺
諫後雖改他官不忘獻納二臣者非不知緘口數年坐
得卿輔蓋不敢負陛下委注之意而皆罹中傷竄謫而
去使正臣奪氣鯁士咋舌昔晉侯問叔向曰國家之患
孰為大對曰大臣持祿而不極諫小臣畏罪而不敢言
下情不能上通此患之大者國家班設爵位列陳豪英
固當責其公忠安可教之循默望陛下發德音寢前詔

勤於采納下及芻蕘可以常守隆平保全近輔尋舉進士改光祿寺主簿知長垣縣遷大理評事監在京店宅務康定中河東地震舜欽詣匭上疏曰臣聞河東地震裂涌水壞屋廬城堞損民物幾十萬歷旬不止竊思妖祥之興神實尸之各以類告未嘗妄也豈王者安於逸豫信任近臣而不省政事乎廟堂之上有非才苟祿竊弄威福而侵上事者乎又豈施設之政有不便民者乎深宮之中有陰教不謹以媚道進者乎臣從遠方來

不知近事心疑而口不敢道也孟春之初雷震暴作陛下發明詔許羣臣皆得獻言旬月間頗有言事者具問豈無切中時病而未聞朝廷舉而行之是亦收虛言而不根實效也臣聞唯誠可以應天唯實可以安民今應天不以誠安民不以實徒布空文增人太息耳將何以謝神靈而救弊亂也臣竊見紀綱隳敗政化闕失其事甚衆不可概舉謹條大者二事以聞一曰正心夫治國如治家治家者先修己修己者先正心心正則神明集

而萬務理令民間傳陛下比年燕樂踰節賜予過度燕樂踰節則蕩賜予過度則侈蕩則政事不親侈則用度不足臣竊觀國史見祖宗日視朝旰食方罷猶坐於後苑門有白事者立得召對委曲詢訪小善必納今陛下隔日御殿此政事不親也又府庫匱竭民鮮蓋藏誅斂科率殆無虛日計度經費二十倍於祖宗時此用度不足也政事不親用度不足誠國大憂臣望陛下修己以御人洗心以鑒物勤聽斷舍燕安放棄優諧近習之纖

人親近剛明鯁直之良士因此災變以思永圖則天下
幸甚其二曰擇賢夫明主勞於求賢而逸於任使然盈
庭之士不須盡擇在擇一二輔臣及御史諫官而已陛
下用人尚未慎擇昨王隨自吏部侍郎遷門下侍郎平
章事超越十資復為上相此乃非常之恩必待非常之
才而隨虛庸邪諂非輔相之器降麻之後物論沸騰石
中立頃在朝行以詆譖自任士人或有宴集必置席間
聽其語言以資笑噓今處之近輔不聞嘉謀物望甚輕

人情所忽蓋近臣多非才者陛下左右尚如此天下官吏可知也實恐遠人輕笑中國宜即行罷免別選賢才又張觀為御史中丞高若訥為司諫二人者皆登高第頗以文詞進而溫和軟懦無剛鯁敢言之氣斯皆執政引拔欲其慎默不敢舉揚其私時有所言則必暗相關說旁人窺之甚可笑也故御史諫官之任臣欲陛下親擇之不令出執政門下臺諫官既得其人則近臣不敢為過乃馭下之策也陛下身既勤儉弼臺諫又皆得

人則天下何憂不治災異何由而生惟陛下少留意焉
范仲淹薦其才召試為集賢校理監進奏院舜欽娶宰相杜衍女衍與仲淹富弼在政府多引用一時聞人欲更張庶事御史中丞王拱辰等不便其所為會進奏院祠神舜欽與右班殿直劉巽輒用鬻故紙公錢召妓樂會賓客拱辰廉得之諷其屬魚周詢等劾奏因欲搖動衍事下開封府劾治於是舜欽與巽俱坐自盜除名同時會者皆知名士因緣得罪遂出四方者十餘人世以

為過薄而拱辰等方自喜曰吾一舉網盡矣舜欽既放
廢寓於吳中買水石作滄浪亭益讀書以歌詩自適善
草書每酒酣落筆爭為人所傳後二年得湖州長史卒
妻杜氏有賢行兄舜元字子翁

東都事畧
作才翁

為人精悍任

氣節為歌詩亦豪健尤善草書舜欽不能及官至尚書

度支員外郎三司度支判官

東都事畧云
仕至轉運使

尹源字子漸洙之兄也少博學彊記與洙皆以文學知名
洙議論明辨果於有為源自晦不矜飾有所發即過

人初以祖蔭補三班借職稍遷殿直舉進士為奉禮郎
累遷太常博士通判涇州時知滄州劉渙坐專斬部卒
降知密州源上書言渙為主將部卒有罪不伏笞輒呼
萬歲渙斬之不為過以此謫渙臣恐邊兵愈驕輕視主
將所繫非輕也渙遂獲免嘗作唐說及叙兵十篇上之
趙元昊寇定川堡葛懷敏發涇原兵救之源是時通判
慶州遺懷敏書曰賊舉國而來其利不在城堡而兵法
有不得而救者宜駐兵瓦亭擇利而後動懷敏不聽以

敗范仲淹韓琦薦其才召試學士院源素不喜賦請以
論易賦主試者方以賦進不悅其言第其文下除知懷
州卒

黃亢字清臣建州浦城人母夢星隕於懷掬而吞之遂
有娠少竒穎過人年十五以文謁翰林學士章得象得
象竒之遊錢塘以詩贈處士林逋逋尤激賞時王隨知
杭州奏禁西湖為放生池亢作詩數百言以奉士人爭
傳之亢為人野率如不能言然嗜學彊記文詞竒偉卒

鄉人類其文為十二卷號東溪集

黃鑑字唐卿與亢同鄉里少敏慧過人舉進士補桂陽監判官為國子監直講同郡楊億善其文詞延置門下由是知名累遷太常博士為國史院編修官嘗詔館閣官後苑賞花而鑑特預召國史成擢直集賢院以母老出通判蘇州卒

楊蟠字公濟章安人也舉進士為密和二州推官歐陽修稱其詩蘇軾知杭州蟠通判州事與軾倡酬居多平

生為詩數千篇後知壽州卒

顏太初字醇之徐州彭城人顏子四十七世孫少博學有雋才慷慨好義喜為詩文宣公孔聖祐卒無子除襲封且十年是時有醫許希以鍼愈仁宗疾拜賜已西向拜扁鵲曰不敢忘師也帝為封扁鵲神應侯立祠城西太初作許希詩指聖祐事以諷在位又致書參知政事蔡齊齊為言於帝遂以聖祐弟襲封山東人范諷石延年劉潛之徒喜豪放劇飲後生多慕之太初作東州逸

黨詩孔道輔深器之太初中進士後為莒縣尉因事忤
轉運使投劾去久之補閬中主簿時范諷以罪貶同黨皆
坐斥齊與道輔薦太初上其嘗所為詩召試中書言者
以為此嘲譏之詞遂改臨晉主簿前此有太常博士宋
武通判同州與守爭事恚死守憾之招搆其子以罪發
狂亦死父子寓骨僧舍時守方貴顯無敢為直寃太初
因事至同州葬武父子蘇舜欽表其事於墓左後移應
天府戶曹參軍南京國子監說書卒著書號洙南子所

居在鳧繹兩山間號鳧繹處士有集十卷淳曜聯英二十卷子復嘉祐中為中書舍人兼國子祭酒自有傳

欽定續通志卷五百六十